

րիանուպոլիսէն , ուր գացած էր Եպարքոսը շահելու համար , կոնդակ մը զրկեց Պոլիս , որով կը յայանէր թէ փոխանորդ կ'արգած էր Նիկողայոսեպ : Թուլկուբանցին և անոր գործակից նշանակած Դաւիթ վրդ . Բերիացին ու վանեցի երէց մը՝ Թըլթըլ(1) Աստուածատուր :

Երբ այս կոնդակը հասաւ Պոլիս , աշխարհական տեղակալները իրենց համախոհներով և քանի մը երէցներով ժողով չազմեցին և որոշեցին ընդդիմանալ Թովմայի պատրիարքութեան : Արդարև . Խոճա Ռուհիճանի ձեռնտուութեամբ՝ անոնք յաջողեցան կաթողիկոսութեան յարած Թովմասը բնաւ չընդունիլ , զայն իբր օտար գործակալ բանտ նետել տալ և շարունակել իրենց պաշտօնը : Սակայն Աստուածատուր Թըլթըլ երէց և իր կուսակիցները , որոնք Թըլթըլեան կը կոչուէին , հակառակեցան տեղակալներուն և ամբաստանեցին զանոնք : 1658 Նոյեմբերին Եղիազար եպիսկ . Այնթապցի կրցաւ ինքզինքը սիրցնել Պոլսոյ հայերուն և տեղակալները վարկաբեկ ընել , մանաւանդ ամբաստանել Խոճա Ռուհիճանը , որ Երուսաղէմի փոխանորդն էր , սակայն ապիկար զուրս եկած էր , չկարենալով պաշտպանել Երուսաղէմի իրաւունքները :

Պոլսոյ հայերը ուզեցին Եղիազար Այնթապցին պատրիարք ընտրել կրկին , բայց անիկա մերժեց և առաջարկեց այդ պաշտօնին կոչել Մարտիրոս Բէֆէցին , որ 1659 Մայիս 25ին պատրիարք եղաւ , բայց հազիւ տարի մը կրցաւ պաշտօն վարել , վասնզի Ղազար Սեբաստացի , իր նսիսկին բարեկամը և գործակիցը , աթոռը յափշտակեց :

Ղազար՝ Սեբաստացիի գաւակ , Պոլիս ծնած և

(1) Թըլթըլ կը նշանակէ բլուս :